



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reginonis Abbatis Prumiensis Libri Duo De Ecclesiasticis
Disciplinis & religione Christiana**

Regino <Prumiensis>

Parisiis, 1671

II. Admonitio synodalis antiqua, à Diacono post evangelium legendæ,
Episcopo & ceteris in ordine sedentibus.

urn:nbn:de:hbz:466:1-14622

cavere convenit, ne in iram divini examinis incidat si quis tali facinori mixtus minimè restrinxerit frena luxuriæ. Unde & omnes ca vendi omnino sunt talis sceleris commixtione, ne in æternum percant. Sed hos qui hujus perniciose temeritatis, animæ suæ salutem despicientes, impio se miscuere matrimonio, per omnia tua fraternitas studeat separare & pœnitentiaæ dignæ submittere; quatinus ab æterna eruti damnatione, animas eorum lucretis, præstante Domino. De filiis autem qui ex eis nati esse probantur, retulisti si liceat eos conjugio copulari. Sed hi cur prohibeantur à conjugio, aut pro hujusmodi pœnitentiam agere compellantur, dum ex hoc absque condemnatione esse perhibentur, quia non pater pro filio neque filius pro patre sustinebit tormenta, dicente Domino per Prophetam: *Anima patris est mea, & anima filij est mea. Anima qua peccaverit, ipsa morietur.* Sed &, frater carissime, de his dixisse sufficiat. Cave autem ne aliter agere subjectis concedas, ne à recto tramite inveniaris deviare.

Vide tom. VIII. Spicilegij Dacheriani pag. 120.

I I.

Admonitio synodalis antiqua, à Diacono post evangelium legenda, Episcopo & ceteris in ordine sedentibus.

Nunc post varias editiones emendata prodit ex duobus vetustissimis codicibus manuscriptis, uno monasterij Rivipullenſis, altero nostro.

FRATRES Presbyteri & sacerdotes Domini, cooperatorates ordinis nostri estis. Nos quidem, quamvis indigni, locum Aaron tenemus, vos autem locum Eleazari & Ithamaris. Nos vice duodecim Apostolorum fungimur, vos ad formam septuaginta discipulorum estis. Nos verò pastores vestri sumus, vos autem pastores animarum vobis commissarum. Nos de vobis rationem reddituri sumus summo pastori Domino no-

stro Jesu Christo, vos de pleibus vobis commissis Et ideo, carissimi, videte periculum vestrum. Ammonemus itaque & obsecramus fraternitatem vestram ut quæ vobis suggerimus memoriat commenderis & ope- re exercere studeatis.

In primis ammonemus ut vita & conversatio vestra inreprehensibilis sit, scilicet ut cella vestra sit juxta Ecclesiam, & in domo vestra feminas non habeatis. Omni nocte ad nocturnas surgite. Curium vestrum horis certis decantate. Missarum celebrationes religio- sè peragite. Corpus & sanguinem Domini cum timore & reverentia sumite. Vasa sacra manibus propriis abluite & extergerite. Nullus cantet Missam nisi jeju- nus. Nullus cantet qui non communicet. Nullus can- tet sine amictu, alba, stola, fanone, & casula. Et hæc vestimenta nitida sint, & ad nullos usus alios sint. Nullus in alba qua in suos usus utitur præsumat canta- re Missam. Nullus in ligneo vel in vitro calice au- deat Missam cantare. Nulla femina ad altare accedat, nec calicem Domini tangat. Corporale mundissimum sit. Altare sit coopertum de mundis linteis. Super al- tare nihil ponatur nisi capsæ & reliquiæ, aut forte quatuor evangelia, aut pyxis cum coriore Domini ad viaticum infirmis. Cetera in nitido loco recondantur. Missale plenarium, Lectionarium, & Antiphona- rum unusquisque habeat. Locus in secretario aut jux- ta altare sit præparatus ubi aqua effundi possit quando vasa sacra abluuntur. Et ibi vas nitidum cum aqua de- pendeat, ut ibi sacerdos lavet manus post communio- nem. Ecclesiæ sint bene coopertæ & cameratae. Et atrium sit sepe munitum. Nullus extra Ecclesiam per domos nec in locis non consecratis Missam cartet. Nullus solus cantet Missam. Omnis Presbyter Cleri- cum habeat vel scolarem qui epistolam vel lectionem legat, & ei ad Missam respondeat, & cum quo psal- mos cantet. Infirmos visitate, & eos reconciliate, & juxta Apostolum oleo sancto inungite, & propria ma- nu communicate. Et nullus præsumat tradere commu- nionem laico aut feminæ ad deferendum infirmo. Nul- lus vestrum pro baptizandis infantibus, aut infirmis reconciliandis, aut mortuis sepeliendis præmium vel munus exigat. Videte ut per neglegentiam vestram

nullus infans sine baptismo moriatur. Nullus vestrum sit ebriosus vel litigiosus : quia servum Domini non oportet litigare. Nullus arma ferat in seditione : quia arma nostra debent spiritualia esse. Nullus canum aut avium jocis inserviat. Nolite in tabernis bibere. Unusquisque vestrum quantum sapit plebi suae de evangelio vel Apostolo die dominico vel festis diebus annuntiet. Verbum Domini debetis praedicare. Curam pauperum , peregrinorum , & orphanorum habete , & eos ad prandium vestrum invitare. Estote hospitales , ut à vobis alij exemplum bonum sumant. Omni die domino , ante Missam , aquam benedictam facite , unde populus aspergatur. Et ad hoc solum vas habete. Sacra uasa & vestimenta sacerdotalia nolite in vadium dare negotiatori aut tabernario. Nullus vestrum minus dignè pœnitentem cujuscunque rei gratia ad reconciliationem adducat , & ei testimonium reconciliacionis ferat. Nullus vestrum usuras exigat & conductor sui senioris existat. Res & facultates quas post diem ordinationis vestrae adquiritis , ad Ecclesiam ad quam titulati estis pertinere sciatis. Nullus sine conscientia & consensu nostro Ecclesiam acquirat. Nullus per protestatem secularium Ecclesiam obtineat. Nullus per pecuniam alterius Ecclesiam supplantet. Nullus Ecclesiam ad quam titulatus est dimittat , & ad aliam quæstus gratia migrat. Nullus plures Ecclesiasteneat fine adjutorio aliorum Presbyterorum. Nullatenus una Ecclesia inter plures dividatur. Nullus alterius parochianum , nisi in itinere , vel si ibi placitum fuerit , ad Missam recipiat. Nullus in alterius parochia Missam cantet absque proprij Presbyteri voluntate & rogatu. Nullus deciman ad alium pertinentem recipiat. Nullus pœnitentem inviter carnem manducare & bibere vinum , nisi pro eo ad præsens eleemosynam faciat. Nullus præsumat baptizare nisi in vigilia Paschæ & Pentecostes , nisi pro periculo mortis. Unusquisque fontes lapideos habeat. Et si non potest habere lapideos , habeat vas aliud ad hoc paratum , in quo nihil aliud fiat. Videte ut omnibus parochianis vestris symbolum & orationem dominicam insinuetis. Jejunium quatuor temporum & rogationum & Letaniæ majoris plebis vestris omnimodis observandum

insinuate. Feria quarta ante quadragesimam plebem ad confessionem invite; & ei juxta qualitatem delicti pœnitentiam injungite, non ex corde vestro, sed sicut in Pœnitentiali scriptum est. Tribus temporibus in anno, id est, in Natale Domini, Pascha, & Pentecosten, omnes fideles ad communionem corporis & sanguinis Domini accedere ammonere.. Certis temporibus conjugatos ab uxoribus abstinere exhortamini. Eulogias post Missam in diebus festis plebi tribuite. Nullus Presbyter in itinere sine oratio vel stola incendat. Nullus vestrum induatur vestibus laicalibus. Nullus rem aut possessionem aut mancipium Ecclesiæ vendere aut commutare aut quocunque ingenio alienare præsumat. Diem dominicum & alias festivitates absque servili opere à vespeta in vesperam celebrare docete. Cantus & choros mulierum in atrio Ecclesiæ fieri prohibete. Carmina diabolica quæ super mortuos nocturnis horis vulgus facere solet, & cachinnos quos exercet, sub contestatione Dei omnipotentis vetate. Cum excommunicatis nolite communicate. Nullus illis præsumat Missam cantare. Sed & pleibus vobis commissis hoc annuntiate. Ad nuptias nullus vestrum eat. Omnibus denuntiate ut nullus uxorem accipiat nisi publicè celebratis nuptiis. Raptum omnimodis prohibite, & ut nullus ad proximam sanguinis sui accedat, & ut alterius sponsam nemo ducat. Porcarios & alios pastores vel dominica die ad Missam facite venire. Patrini filiolis suis symbolum & orationem dominicam insinuent vel insinuari faciant. Chrisma semper sub sera sit aut sub sigillo propter quosdam infideles. Volumus autem scire de quolibet Presbytero si ex ingenuis parentibus sit natus, aut ex servili conditione, aut si de nostra parochia aut de alia natus est aut ordinatus, vel ad quem locum prætitulatus. Si servus fuit, ostendat cartam libertatis. Si de alia parochia, ostendat litteras commendatitias, quas formatam vocant. De ministerio etiam vobis commisso vos ammonere curamus, ut unusquisque vestrum, si fieri potest, expositionem symboli & orationem dominicam juxta traditionem orthodoxorum patrum penes se habeat scriptam, & eam pleniter intelligat, & inde prædicando populum sibi commissum sedulò instruat. si non, saltē te-

neat vel credat. Orationes quoque Missarum & pra-
fationes & Canonem bene intelligat. Et si non , saltim
distinctè ac memoriter proferre valeat. Epistolam &
evangelium bene legere possit; & utinam saltem ad
litteram ejus sensum posset manifestare. Psalmorum
verba & distinctiones regulariter ex corde cum canti-
cis consuetudinariis pronuntiare sciat. Sermonem
Athanasij Episcopi de fide sanctæ Trinitatis, cuius
initium est *Quicunque vult*, memoriter teneat, & om-
ni die cantet. Exorcismos & orationes ad catechumen-
num faciendum , ad fontem quoque consecrandum,
aut reliquas preces super masculum & feminam plura-
liter & singulariter valeat & sciat distinctè proferre.
Similiter ordinem baptizandi ad succurrendum infir-
mis. Ordinem quoque reconciliandi juxta modum
sibi canonice reservatum, atque ungendi infirmos,
orationes quoque eidem necessitati competentes bene
saltem sciat legere. Similiter ordinem & preces in
exequiis atque agendis defunctorum. Similiter exor-
cismos & benedictiones salis & aquæ memoriter te-
neat. Canticum nocturnum atque diurnum noverit.
Compotum , si non majorem , saltim minorem , id est,
epactas , concurrentes , regulares , terminos paschales,
& reliquos , si est possibile , sapiat. Martyrologium &
Pœnitentiale habeat , ut secundum quod ibi scriptum
est interroget confitentem , aut confessio modum pœ-
nitentiæ imponat. Libellum istum unusquisque habeat,
& frequenter legat , ne oblivioni tradat ea qua sibi
sunt observanda. Volumus autem , fratres carissimi,
quatinus quæ nostra perceperitis traditione , quantum
humana patitur infirmitas , bonis studeatis operibus
adimplere. Quod ut memoriter retinere & salubriter
peragere valeatis , omnipotens Deus vobis concedere
dignetur , cuius regnum & imperium sine fine perma-
net in secula seculorum. Amen.

